

四庫全書

史部

欽定四庫全書

欽定南巡盛典卷六十六

祀典

乾隆十五年十月三十日禮部奏言所有

南巡應行祀典謹條列具議陳奏伏乞

睿鑒遵行

一恭查康熙二十三年

聖祖仁皇帝稽古時巡

駕至泰安登山

躬祭

岱嶽

回鑾過魯觀車服禮器

詣闕里

親祭

先師孔子

遣親王致祭

元聖周公臣等伏思乾隆十三年我

皇上肇修東巡

先師孔子闕里

東嶽岱宗均已

躬親展虔此次巡歷經行便道似可無煩

聖駕親歷應照常祀例於明春

駕臨東省之時遣官致祭

闕里望秩

岱宗其

元聖周公廟近在曲阜亦請照康熙二十三年例遣官

致祭

一恭查康熙二十三年

聖祖仁皇帝南巡至蘇州虎邱

諭大學士等曰明太祖一代開創令主功德並隆朕巡省

方域將及江寧鍾山之麓陵寢斯在朕優禮前代況於

其君實賢可遣祀如禮又奉

諭明太祖陵已遣官致祭但朕既抵江寧距陵非遠其親
為拜奠是年

躬詣

明太祖陵奠酒二十八年

躬詣致祭三十八年

遣官致祭

躬詣奠酒四十二年

遣官致祭

命皇子奠酒四十四年復

躬詣致祭又查康熙二十八年

聖祖仁皇帝南巡至浙江會稽有

旨祭

禹陵經臣部以遣官致祭後

皇帝親詣奠酒進奏奉

上諭堯舜禹湯文武皆前代聖君遣官致祭後方行親詣

奠酒未為允協

禹陵朕將親祭之此祭文內可書朕名是年

親祭

禹陵臣等謹查

歷代帝王陵寢凡逢

慶典遣官致祭具有常經我

聖祖仁皇帝

聖德如天

鑾輿所屆特於會稽

禹陵江寧

明太祖陵

親行奠獻允足以樹無前之芳規昭萬世之法守今茲

皇上紹繩

祖武六飛初駕由江南至浙江二地

陵寢臣等理合奏

聞如蒙

諭旨親祭一應典禮屆期臣部詳查奏明請

旨交太常寺照例具儀以

進至陵寢之祭向無載明樂章乾隆十三年

皇上東巡

親祭

少昊金天氏陵亦未用樂似可無庸另議其禮神祝版

香帛以及祭器等項應帶往者由太常寺帶往應

備辦者由太常寺如式開列詳叙尺寸行文該地

方官依式敬謹製辦以備應用

一查黃河自入江南境經邳宿而東至小清口淮水會之江流經揚鎮二府而東皆

聖駕所必經古者天子巡狩祭所過名山大川禮也恭查康熙二十三年

聖祖仁皇帝南巡渡河

遣官祀

河神又今秋

皇上中巡經臣部議准於河陽柳園口

聖駕渡河處所相地設壇遣官祇行望祭此次

皇上南巡由宿遷登舟過淮揚抵浙江

河瀆

淮瀆

江瀆之神並應秩祀再查浙江海塘

皇上親臨閱視又

會稽山為東南望鎮逢茲百神懷柔之會應一體遣

祭如禮臣等敬擬行文該省督撫飭守土官就

聖駕往返經由黃河江淮處所相度潔淨地面敬謹設壇屆期遣官致祭其浙江

海神

會稽山神附近原有專廟則仍因廟遣祭用昭盛典
以上數條臣等敬稽舊典恭抒末見是否有當伏
候

聖明訓誨

命下之日

親祭祭文及遣官祭文交翰林院撰擬遣祭人員屆期
臣部於扈從王公大臣內照例

奏派祭品由地方官潔備香帛由太常寺送往至於
御道經行三十里內先賢勲臣名臣忠烈祠墓理應致
祭者臣部節經行催直隸山東江南浙江各督撫
詳查具報尚未到齊應俟咨覆到齊之日再議奏
入奉

旨禹陵明太祖陵朕親詣行禮餘依議

乾隆十五年十一月三十日禮部尚書兼管太寺
事務伍齡安奏言禮部具奏明年

皇上南巡

親詣

禹陵

明太祖陵其禮神祝版香帛以及祭器等項應帶往者
由太常寺帶往應備辦者由太常寺如式開單詳
敘尺寸行文該地方官依式敬謹製辦以備應用

臣寺謹查東巡致祭

少昊金天氏陵經太常寺奏明儀注前期進

呈并移會內閣派繕寫祝版中書一員預期到彼敬
謹繕寫前期一日臣等恭捧請於祭所供設其應
用之香帛祝版拜褥祭器等項亦經太常寺奏明
臨期行文兵部咨取人夫車輛並護送兵丁派員
沿途敬謹運往指示陳設今此次

皇上親詣

禹陵

明太祖陵既經禮部奏明援照致祭

少昊金天氏陵之例辦理所有儀注臣於祭祀前期進

呈仍移會內閣派中書一員同太常寺官員到彼敬

謹繕寫祝版拜褥祭罷恭捧請於祭所供設所有

香帛祝版拜褥祭罷等項並厨役等應帶往者臣

寺臨期行文兵部咨取人夫車輛船隻並護送兵

丁於帶往贊禮郎內揀選得辦事廳官明祿贊禮

郎訥親額筆帖式常有預行前期將香帛祝版拜褥祭器等項敬謹運往指示陳設應地方官備辦者臣寺如式開單詳叙尺寸行文各該督撫依式敬謹製辦以備應用奏入報

聞

乾隆十五年十二月初九日禮部奏言本年十月內臣部具奏

皇上南巡應行祀典一摺奉

旨禹陵明太祖陵朕親詣行禮欽此恭查乾隆十三年
皇上東巡

親詣

少昊金天氏陵祭日

皇上御龍袍補服行二跪六叩禮扈從之內大臣侍衛
文官五品以上武官三品以上官員該地方文官
知府以上武官副將以上俱齊集陪祀其不陪祀
之文武各官并地方官員俱穿蟒袍補服在

行宮前兩旁列跪送迎今

皇上親詣

禹陵

明太祖陵行禮所有應行禮儀應請照乾隆十三年

親詣

少昊金天氏陵之例交太常寺屆期填入儀注奏

聞行文吏兵二部轉傳文武各衙門門並行知江南浙

江各該督撫一體欽遵再恭查會典康熙二十八年

聖祖仁皇帝南巡

親詣

禹陵

明太祖陵致祭俱行三跪九叩禮今照致祭

少昊金天氏陵行二跪六叩禮謹擬具奏奏入奉

旨行三跪九叩禮

乾隆十五年十二月十九日禮部奏言恭查會典

皇上行幸經過地方遇有

歷代帝王陵寢及勲臣塋墓在百里之內者遣官致祭
又查康熙四十二年

聖祖仁皇帝行幸山西等處奉

旨朕經過地方有應祭嶽瀆歷代帝王陵寢預行議奏經
臣部查明具奏奉

旨在三十里以內者奏聞三十里以外者不必具奏又查
本年八月內

聖駕巡幸中州直隸河南各省督撫咨請附近

輦路之名臣忠烈先賢等祠墓應否致祭經臣部議准
致祭名臣以從祀

帝王廟者為斷先賢以從祀

聖廟者為斷

本朝名臣以入祀賢良祠者為斷其未經列祀典忠
義卓越諸人分別酌議致祭明春

聖駕南巡先經臣部敬查應行祀典東省

元聖周公

先師孔子

岱宗注省

河瀆

淮瀆

江瀆

明太祖陵浙江

禹陵

南鎮

海神分別

親詣行禮及遣官致祭奏

聞請

旨並聲明

御道三十里內先賢勲臣名臣忠烈祠墓禮應致祭者
節經行催直隸山東江南浙江各督撫詳查具報
俟覆齊日再議奉

旨禹陵明太祖陵朕親詣行禮餘依議臣部隨行文各

該督撫欽遵辦理並飛催

御道三十里內有無應祭先賢勲臣名臣忠烈各祠墓
詳查報部定議茲據直隸總督山東巡撫兩江總
督江南河道總督江蘇巡撫浙江巡撫各陸續具
咨報部臣等詳加酌核除冊內所列會稽

禹陵江寧

明太祖陵經奉

諭旨親祭山東

岱廟江南

河瀆

淮瀆

江瀆浙江

南鎮神廟

海神廟經臣部議准遣祭並各省

帝王陵寢先賢名臣祠墓在

御道三十里外及直省所報之燕樂毅等祠墓五處山

東省所報之晉羊祜等祠二處浙江省所報之唐
褚遂良等祠三十五處向來不列祀典者均應毋
庸置議外其浙江省咨報嘉興縣唐陸贄祠錢塘
縣宗岳飛祠墓明于謙祠墓

本朝怡賢親王祠山陰縣王守仁祠查陸贄岳飛于
謙係從祀

歷代帝王廟王守仁係從祀

文廟所有祠墓或為里居或為殉節之地

本朝怡賢親王祠雍正八年奉

旨建造皆與臣部議准中州祀典符合理應遣祭又吳越
王錢鏐首建塘功功德在民現在臨安有祠均宜
膺祀典又宿遷縣西堤

大王廟

本朝

勅封為顯佑通濟昭靈効順金龍四大王之神康熙二

十三年

聖祖仁皇帝南巡

遣官致祭今

河瀆已經臣部奏准於

聖駕經渡處所設壇遣祭其西堤

大王廟亦應遣官致祭再恭照

聖駕親詣

禹陵行禮由杭州渡錢塘江至會稽應照渡河渡江之
例令地方官於江干潔淨地面設壇遣官致祭以

上八處如蒙

俞允臣部行文翰林院撰擬祭文太常寺備辦香帛地方官預備祭品應行遣祭人員屆期照例於隨

駕滿漢大臣內繕寫名籤恭候

欽點其餘杭省所報先賢曾子子貢子路朱子二程子先儒張栻楊時等祠宇雖皆符合祀典惟查諸賢里居均不在浙原因浙地人士景仰芳規隨時建立如此之類所在多有難與

駕幸東省遣祭顏曾思孟專祠

駕幸中州遣祭二程子諸人祠一例議祭此外冊開嚴
光李泌王叔英等合祠共七處臣等按冊詳查其
中雖間有經列祀典之人並非專祠且一祠內人
數繁多碍難分晰若槩議致祭於禮未免煩瀆均
應毋庸置議至江南一省現據該督撫咨報

明太祖陵宿遷

大王廟及

聖駕渡江渡河處所而外惟有九華山一處向原不載
祀典毋庸置議其

御道三十里內有無先賢名臣各祠墓屢經行催未據
咨覆令

聖駕正月啟行如該督撫於數日內咨報到部臣部即
行定議具奏如尚未經具報應俟報到之日臣部
隨

駕堂官隨時議奏請

旨預令太常寺酌備香帛帶往應用祭文屆時知會扈從翰林院撰擬祭品交地方官備辦奏入報

聞

乾隆十六年正月初九日禮部奏言先經臣部具奏

聖駕南巡

御道三十里內先賢名臣應行致祭之處江南一省未據各覆俟報到之日臣部隨

駕堂官隨時議奏茲節據兩江總督咨稱揚州三汊河
怡賢親王等祠計五處江南河道總督咨稱河口
惠濟等祠廟計十一處皆係

聖駕經過近地應否遣官致祭各聲明咨請到部臣部
詳查該督冊開除河口惠濟祠清口風神祠運口
張將軍廟武家墩威顯王廟高堰關侯廟高良澗
禹王廟山陽縣漢淮陰侯祠漂母祠宋徐績祠明
陳瑄祠等十一處考會典祠祀各祠原未開載應母

庸議其皂河運口金龍四大王廟二處查

顯佑通濟昭靈効順金龍四大王業據於宿遷縣西
堤廟內遣祭已屬重複亦應毋庸置議惟清江浦
祠宇一處祀

國朝河臣靳輔齊蘇勒大學士嵇曾筠查靳輔等三
人皆係

本朝治河名臣祠宇又屬

勅建與祀例相符應仰邀

恩祭至

江淮之神前經臣部奏准於傍岸設壇遣祭今該督
既稱運口有

淮神廟瓜洲有

江神廟應令該督確查果係

江瀆

淮瀆專廟即宜因廟致祭毋庸另行設壇再浙江錢
塘縣怡賢親王祠前經臣部先據浙撫咨議祭今

揚州三汊河口有祠為

聖駕先行經臨之地應即於此處遣祭其錢塘祠宇毋庸再行遣祭

命下之日應用祭文香帛祭品及遣祭人員臣部照例行文各該處辦理其江蘇等處

御道三十里內有無先賢名臣祠墓該撫尚未咨覆到部應俟報到之日臣部遵照前奏辦理奏入奉

旨浙江錢塘縣揚州三汊河怡賢親王祠宇俱不必致

祭餘如所議行

乾隆十六年正月二十六日禮部奏言先經臣部
具奏

聖駕南巡

御道三十里內應祭先賢名臣祠墓江蘇等府尚未咨
覆應俟報到之日再行奏辦今據兩江總督黃廷
桂冊報江寧蘇州常州鎮江揚州各屬界內先賢
名臣祠墓到部臣等詳查冊列祠墓計一百一十

九處內江寧各府除不入祀典如宋臣鄭俠等五十四人祠廟重複如唐臣陸贄等十六人又或經列祀典而祠廟所在多有難以遍祭如宋儒程子等三十一人均毋庸置議外惟蘇州府周泰伯祠先賢言子游祠先儒范仲淹祠宋臣韓世忠祠本朝江蘇巡撫臣楊斌祠張伯行祠總河臣陳鵬年祠江寧府晉臣卞壺祠宋臣曹彬廟明臣徐達常遇春墓方孝孺等一百十八人合祠

本朝兩江總督臣于成龍祠傳臘塔祠常州府周吳季札祠

本朝尚書臣趙申喬祠鎮江府宋臣宗澤祠

本朝大學士臣張玉書祠計祠墓十有八處查泰伯季札至德高風著稱經傳言子游范仲淹皆吳產從祀

聖廟張玉書趙申喬從祀賢良祠均與臣部奏准遣祭之例相符卞壺曹彬宗澤韓世忠徐達常遇春方

孝孺等于成龍傳臘塔湯斌張伯行陳鵬年皆非
江蘇常鎮四府人但或配享

歷代帝王廟或從祀賢良祠或忠義卓著於史冊其於
江蘇地方或有功斯民或盡節茲土或歸葬此鄉
據該督咨稱祠墓均在

御道三十里以內似應一體仰邀遣祭以彰

盛典其祭文交

行在翰林院撰擬香帛由

行在太常寺頒發應用祭品行文地方官備辦奏入
報

可

乾隆十六年二月初六日行在禮部奏言恭查乾
隆十五年八月內

聖駕巡幸中州渡黃河日

皇上親詣彩棚拈香行禮

回鑾日

遣莊親王拈香行禮此次

駕幸江浙由清河縣孫家莊渡黃河入洲渡揚子江杭
州渡錢塘江照臣部奏准之例遣官致祭外

皇上回鑾時渡河渡江日請照

駕幸中州渡河之例遣官拈香行禮奏入奉

旨往返朕皆親詣拈香

乾隆十六年二月初四日行在禮部奏言先經臣

部具奏

聖駕經過三十里之內有應祭處所俱遣官致祭今宿

遷縣

金龍四大王廟清河縣

河瀆

淮瀆山陽縣

本朝治河名臣靳輔齊蘇勒稭曾筠祠理應致祭謹

將隨

駕之滿漢文武大臣職名繕寫名籤恭候

欽點四員前往致祭奏入奉

旨遣錢陳羣胡寶瑤多爾濟永慶

乾隆十六年二月十二日行在禮部奏言先經臣

部奏准江都縣

江瀆之神丹徒縣宋臣宗澤祠

本朝大學士臣張玉書祠陽湖縣吳季札祠

本朝尚書臣趙申喬祠遣官致祭謹將隨

駕滿漢文武大臣職名繕寫名籤進

呈恭候

欽點五員前往致祭奏入奉

旨遣永慶胡寶琮七達色多爾濟伍彌泰

乾隆十六年二月十九日行在禮部奏言前經臣

部奏准長洲縣言子游祠宋臣韓世忠祠

本朝原任巡撫臣湯斌張伯行陳鵬年三祠俱在蘇
州府學內一處應遣一人致祭謹將隨

駕滿漢文武大臣職名繕寫名籤進

呈恭候

欽點五員前往致祭奏入奉

旨遣錢陳羣胡寶瑤七達色伍彌泰多爾濟

乾隆十六年二月二十日行在禮部奏言前經臣

部奏准嘉興府唐臣陸贄祠海寧縣

海神廟錢塘縣

本朝原任尚書臣徐潮墓唐臣錢鏐祠宋臣岳飛墓

臣于謙墓致祭之處謹將隨

駕滿漢文武大臣職名繕寫名籤進

呈恭候

欽點六員前往致祭奏入奉

旨遣錢陳羣胡寶琮七達色多爾濟四人人其餘二處
量其近處兼行致祭

乾隆十六年二月二十二日太常寺奏言伏查去
歲

皇上巡幸豫省祭祀

中嶽於

駕到次日祭祀此次祭祀

禹王亦照

中嶽之例俟

駕幸紹興府六合村次日祭祀理合請

旨載入儀注奏入報

聞

乾隆十六年三月初四日行在禮部奏言前經臣

部奏准錢塘縣

錢塘江神山陰縣明臣王守仁祠會稽縣

南鎮神廟遣官致祭謹將隨

駕滿漢文武大臣職名繕寫名籤進

呈恭候

欽點三員前往致祭奏入奉

旨遣錢陳羣胡寶瑒永慶

乾隆十六年三月十八日行在禮部奏言前經臣

部奏准江寧府晉臣卞壺祠宋臣曹彬廟明臣徐達墓常遇春墓方孝孺等一百十八人合祠

本朝兩江總督臣于成龍祠傳臘塔祠遣官致祭查此七處相離不遠請派四人就近兼祭謹將隨

駕滿漢文武大臣職名繕寫名籤進

呈恭候

欽點致祭奏入奉

旨遣錢陳羣七達色永慶多爾濟

乾隆十六年七月初七日禮部奏言本年我

皇上南巡浙江

親奠

禹陵

特命擇似氏子孫有品行者世予八品官奉祀茲據浙
江巡撫永貴疏稱據布政使葉存仁轉據紹興府
知府鄭肇奎會稽縣知縣高居寧於似氏子姓中
詳加選擇查有似恒甸者考之世譜系出宗支詢

於鄉評克敦品望奉祀有年恪守烝嘗於奕世擇
賢授職堪膺

聖代之殊榮取具親族譜結府縣加結詳請

題授八品官世襲奉祀臣覆查無異除譜送部外臣
謹會同閩浙總督臣喀爾吉善合詞具

題奉

旨下部臣部謹議得隨刊底績妣氏之明德在人府事
允修萬世之成功攸賴惟會稽為

神禹衣冠所藏自宋明以來禁樵蘇置守陵戶代有著

令我

朝益隆崇德報功之典每歲春秋

勅令有司致祭康熙二十八年恭逢

聖祖仁皇帝巡幸浙江

御書地平天成匾額並修理

陵廟增置守祠人役盛事昭垂簡冊我

皇上稽古時巡仰惟明德溯厥成功

特賜如氏奉祀裔孫八品世職擇其有品行一人充之
誠千古未有之曠典也茲查如恒甸既據該撫疏
稱世系可徵克敦品望取具譜結確鑒有憑應如
所請授如恒甸為八品官仍准世襲奉祀臣部照
例行文吏部給劄嗣後凡屆應行承襲之時令該
督撫按其宗支次序詳加選擇照例具
題併送會典館編輯用垂永久奏入報

可

乾隆二十年七月十九日禮部奏言竊惟省方乃以觀民時邁亦隆肆祀古者天子巡狩祭所過名山大川禮也查乾隆十六年

皇上南巡

遣官致祭

河瀆

淮瀆

江瀆之神又經臣部奏請

皇上回鑾時渡河渡江之日照

駕幸中州之例遣官拈香行禮奉

旨往返朕皆親詣行禮今此次

皇上南巡應照例遣官致祭

河瀆

淮瀆

江瀆之神

皇上往返渡河渡江之時或遣官拈香行禮或

皇上親詣行禮之處伏候

訓示其祭文交翰林院撰擬遣官屆期臣部於扈從王

公大臣內照例

奏派祭品由地方官備辦香帛由太常寺帶往再查
定例

御道經行三十里之內有無應祭

歷代帝王陵寢及先賢勲臣名臣忠烈祠墓臣部行文

江浙督撫俟查覆到日另行具奏奏入奉

旨渡江渡河往返朕親詣行禮

乾隆二十一年十月初二日禮部奏言明春恭逢
皇上南巡應請照例遣官致祭

河瀆

淮瀆

江瀆之神

御道經行三十里內有無應祭

歷代帝王陵寢及先賢勲臣名臣忠烈祠墓臣部現在

行文直隸山東江浙督撫俟查覆到日另行具奏
茲謹將

聖祖仁皇帝南巡

躬詣祭奠

明太祖陵之處繕寫夾片恭

呈

御覽伏候

訓示奏入奉

旨明太祖陵遣官致祭朕親詣奠酒

乾隆二十一年十二月十一日太常寺奏言此次
皇上南巡渡黃河淮河揚子江點香

親詣

明太祖陵奠酒暨應遣官致祭各處所用香帛祭品蠟
燭拜褥桌案等項內應地方官備辦者仍行文江
南總督敬謹預備外其應帶往者臣寺遵照乾隆十
六年之例行文兵部咨取人夫車輛船隻護送兵

丁派辦理廳務之贊禮郎訥親額豐仲帶領鋪
排人等前往運送指示陳設預備點香祭祀事務
再

皇上經行

御道三十里以內應遣官致祭之處所需香帛等物臣
寺預期備辦俟禮部奏明知會到日帶往應用奏
入報

聞

乾隆二十一年十二月二十日禮部奏言明春

皇上南巡臣等酌議省方問俗禮隆望秩逢茲百神懷

柔之會所有

先師孔子闕里

元聖周公

東嶽岱宗浙江

海神

南鎮會稽山應請照乾隆十六年奏准之例遣官致

祭用昭盛典至

禹陵臣等伏思乾隆十六年

皇上肇修南巡已經

躬親展祭禮至隆備此次

巡歷應請照例一體遣官致祭并

御路所經三十里內有無應祭處所臣部現在行查各

省尚未覆到俟覆到之日另行定議奏入報

可

乾隆二十一年十二月二十一日禮部奏言明春
聖駕南巡經臣部奏准

御路所經三十里內有無應祭

歷代帝王陵寢及先賢先儒名臣勲臣忠烈祠墓交各
該督撫查明報部今據直隸總督查報良鄉縣有
戰國時樂毅墓河間縣有漢儒毛萇墓獻縣有漢
河間獻王墓景州有漢條侯周亞夫墓北魏咸陽
公高允墓北齊安德公封隆墓均在

御路三十里內到部臣等詳查河間縣漢儒毛萇係從

祀

文廟與遣祭之例相符應俟

聖駕經過時遣官致祭其樂毅等五人墳墓向未列入

祀典應毋庸議伏候

命下祭文交翰林院撰擬香帛由太常寺帶往祭品令

北方官備辦遣官屆期臣部將隨

駕滿漢大臣職名繕寫名籤進

呈恭候

欽點致祭現未覆到之山東江南浙江三省應祭處所
俟查覆到日臣部另議奏入報

可

乾隆二十二年正月十七日行在禮部奏言

聖駕南巡經過地方凡

御路三十里以內有應祭處所俱遣官致祭今河間縣
漢儒毛萇墓係在

御路三十里以內應遣一人致祭謹將隨

駕大臣職名繕寫名籤進

呈恭候

欽點一員前往致祭奏入奉

旨遣劉綸

乾隆二十二年正月十九日行在禮部奏請遣官

致祭

先師孔子闕里

元聖周公

東嶽岱宗三處得

旨遣蔣溥致祭

先師孔子闕里遣秦蕙田致祭

元聖周公遣介福致祭

東嶽岱宗

乾隆二十二年正月二十六日禮部奏言恭照

御路所經三十里內有無應祭處所臣部行文各該督

撫查明報部茲據兩江總督尹繼善將

御路所經三十里內應祭處所共二十七處造冊咨報
又據閩浙總督喀爾吉善將

御路所經三十里內應祭處所共五處各咨報到部查
江省冊開宿遷縣

金龍四大王廟上元縣晉臣卞壺廟宋臣曾彬廟明
臣徐達墓常遇春墓方孝孺等一百十八人合祠

江寧縣

以下五葉，原書葉次誤號

本朝總督臣于成龍祠傳臘塔祠長洲縣言子游祠
宋臣韓世忠祠

本朝巡撫臣湯斌祠張伯行祠河道總督臣陳鵬年
祠吳縣周泰伯祠宋臣范仲淹祠陽湖縣周吳季
扎祠

本朝尚書臣趙申喬祠丹徒縣宋臣宋澤祠

本朝大學士臣張玉書祠山陽縣

本朝河道總督臣靳輔蘇勒紀曾筠祠等二十處

浙省咨報嘉興府唐臣陸贄祠錢塘縣唐臣錢鏐
祠宋臣岳飛墓明臣于謙墓

本朝尚書臣徐潮墓等五處以上共二十五處乾隆
十六年

聖駕南巡經臣部奏准照依遣官致祭此次仍請照例
遣祭外再江省上元縣明臣李文忠係從祀

歷代帝王廟陽湖縣

本朝廵撫臣潘思渠係乾隆十七年

旨入祀賢良祠亦與遣官致祭之例相符所有李文忠
墓潘思渠祠應請一體遣官致祭至江省上元縣
明臣張怡湯和吳良吳禎漢蔣子文等五人祠墓
向未列入祀典應毋庸議奏入報

可

乾隆二十二年二月初九日行在禮部奏請遣官
致祭

金龍四大王

河瀆

淮瀆河道總督靳輔齊蘇勒嵇曾筠祠等四處奉

旨遣蔣溥秦蕙田劉綸錢維城

乾隆二十二年二月初九日行在禮部奏請遣官

致祭江都縣

江瀆之神陽湖縣周吳季札祠武進縣尚書臣趙申

喬祠廵撫臣潘思渠祠丹徒縣大學士臣張玉書

祠宋臣宗澤祠奉

旨遣劉綸程景伊錢維城

乾隆二十二年二月十七日行在禮部奏言遣官

致祭先賢言子游祠宋臣韓世忠祠范仲淹祠

本朝巡撫臣湯斌祠張伯行祠河道總督臣陳鵬年

祠周泰伯祠七處應請遣官三員就近兼祭奏入

奉

旨遣李景劉綸錢維城

乾隆二十二年二月二十一日行在禮部奏言前

經臣部奏准

禹陵

南鎮會稽山神浙江

海神廟俱遣官致祭謹將隨

駕滿漢文武大臣職名繕寫名籤進

呈恭候

欽點前往致祭奏入奉

旨遣李景永度

乾隆二十二年二月二十三日行在禮部奏言前
經臣部奏准嘉興府唐臣陸贄祠錢塘縣唐臣錢
鏐祠宋臣岳飛墓明臣于謙墓

本朝原任尚書臣徐潮墓致祭之處謹將隨

駕滿漢文武大臣職名繕寫名籤進

呈恭候

欽點前往致祭奏入奉

旨遣永慶劉綸秦蕙田

乾隆二十二年三月初一日行在禮部奏言本年

二月二十八日內閣奉

上諭朕昨至浙江省城禮部未奏請遣祭已故大學士
徐本詢其故則以未入賢良祠例不致祭為對徐本
厯事

兩朝宣力多年勤慎懋著即如前者過常州時已故之廵
撫潘思榘禮部尚猶奏請徐本視潘思榘為何如耶
朕廵幸所過縣郡名臣舊輔皆即致祭乃國家

念舊酬功之典該部自當慎重辦理何得膠柱鼓瑟
乃爾徐本著入本省賢良祠並著該部奏請遣官致
祭臣部遵即行知該督撫辦理茲謹將隨

駕滿漢文武大臣職名繕寫名籤進

呈恭候

欽點一員前往致祭奏入奉


旨遣秦蕙田

乾隆二十二年三月十七日行在禮部奏請致祭

明太祖陵並晉臣卞壺祠宋臣曾彬祠明臣徐達墓常
遇春墓方孝孺等一百十八人合祠李文忠祠

本朝總督臣于成龍祠傳臘塔祠九處奉

旨遣永慶李景程景伊七達色



欽定南巡盛典卷六十六

欽定四庫全書

欽定南巡盛典卷六十七目錄

祀典三

欽定四庫全書

欽定南巡盛典卷六十七

祀典

乾隆二十六年十二月初二日禮部奏言明春

聖駕南巡所有山東省

元聖周公

先師孔子闕里

東嶽岱宗江南省

河瀆

淮瀆

江瀆

明太祖陵請照例遣祭以昭盛典其浙江省

禹陵

南鎮會稽山

海神

聖駕兩次南巡俱有祀典應請一體遣祭如禮至渡江

渡河或

親詣拈香或遣官拈香之處屆期

臣部具奏請

旨再

御路經行三十里內應祭

先賢名臣勲臣祠墓乾隆十六年二十二年二次

皇上南巡均

遣官致祭此次應請將從前致祭處所照例致祭祭文

交翰林院撰擬祭品交地方官備辦香帛由太常

寺帶往遣官屆期臣部於扈從大臣內奏派奏入
報

聞

乾隆二十六年十二月二十七日太常寺奏言恭
查乾隆二十二年

皇上南巡渡黃河淮河揚子江點香應遣官致祭各處
所用香帛祭品蠟燭拜褥桌案等項內應地方官
備辦者行文江南總督敬謹預備應帶往者臣寺

臨期行文兵部咨取人夫車輛船隻並護送兵丁
派辦理廳官帶領鋪排人等前往運送指示陳設
預備點香祭祀事務今此次

皇上南巡拈香致祭各處所用香帛祭品等項內應地
方官備辦者仍行文江南總督敬謹預備外應帶
往者_臣等遵照乾隆二十二年之例預備行文兵
部咨取擡夫二十名車一輛派辦理廳務之贊禮
郎訥清額讀祝官德明帶領鋪排前往運送指示

陳設預備奏入得

旨俱交地方官敬謹預備

乾隆二十七年正月初八日禮部奏言此次

聖駕南巡先經

臣

部奏請致祭

山川

先聖先師並請將乾隆十六年二十二年致祭過先儒

名臣等祠墓照例遣官致祭

臣

等伏思先儒名臣

究非

嶽鎮海瀆

先聖先師可比理應分別辦理

臣等酌議除

嶽鎮海瀆

先聖先師

歷代帝王陵寢仍照舊例奏遣扈從大臣讀文致祭外
其餘先儒名臣等祠墓二十七處前於

聖駕南巡已經兩次邀

恩致祭今次毋庸讀文致祭屆期

臣

部將扈從大臣名

截進

呈恭候

欽點拈香奠酒以昭優卹至兩江總督尹繼善於乾隆
二十六年十二月二十五日續報到銅山縣

河神廟係乾隆二十二年

勅建亦應照祭

山川之例遣大臣讀文致祭

臣

等謹繕清單恭

呈

御覽奏入報

可

乾隆二十七年正月二十八日行在禮部奏言乾隆十六年二十二年二次

聖駕南巡渡河渡江時往返俱
親詣拈香惟淮河乾隆十六年
起鑾時在武家墩

親詣拈香

回鑾時在惠濟祠

親詣拈香此次

皇上渡河渡江渡淮或

親詣拈香或遣官拈香之處伏候

聖訓奏入得

旨朕親詣拈香

乾隆二十七年二月初四日行在禮部奏請致祭

河瀆

淮瀆河臣靳輔等合祠遣官讀文致祭拈香得

旨祭河遣雙慶祭祠遣程巖

乾隆二十七年二月十四日行在禮部奏言先經

臣部奏准江省

江瀆之神遣官讀文致祭周泰伯吳季札言子游宋
臣宗澤韓世忠范仲淹

本朝大學士臣張玉書尚書臣趙申喬總河臣陳鵬
年巡撫臣湯斌張伯行潘思榘祠俱遣官拈香今

謹將扈從文武大臣職名繕寫名籤進

呈伏候致祭

江瀆之神

欽點一員各祠拈香

欽點四員奏入得

旨祭江遣雙慶拈香遣張成勳永福程巖張映辰

乾隆二十七年二月二十五日行在禮部奏言先

經臣部具奏浙省

海神廟

禹陵

南鎮會稽山神遣官讀文致祭

江海潮神唐臣陸贄錢鏐張巡許遠宋臣岳飛明臣
于謙

本朝大學士臣徐本蔣溥尚書臣徐潮等祠墓遣官
拈香奠酒今謹將扈從文武大臣職名繕寫名籤
進

呈恭候

欽點二員致祭三員拈香奠酒奏入得

旨讀文致祭遣永福介福拈香奠酒遣張成勳程巖張

映辰

乾隆二十七年三月十七日行在禮部奏言先經

臣部奏准江寧府

明太祖陵遣官讀文致祭晉臣卞壺宋臣曹彬祠明臣

李文忠祠徐達墓常遇春墓再方孝孺等一百十

八人合祠

本朝總督臣傅臘塔祠于成龍祠等八處遣官拈香
奠酒今謹將扈從之文武大臣職名繕寫名籤進
呈恭候

欽點一員往

明太祖陵讀文致祭

欽點二員各處拈香奠酒奏入得

旨承祭遣永瑋拈香奠酒遣雙慶程巖

乾隆二十七年四月初九日行在禮部奏言先經

臣部具奏徐州府銅山縣

勅建河神廟遣官讀文致祭謹將扈從之文武大臣職
名繕寫名籤進

呈恭候

欽點一員前往致祭奏入得

旨遣阿里衮

乾隆二十九年十二月初四日禮部奏言恭照明

春

聖駕南巡有應行致祭

陵墓祠宇

臣

等詳查乾隆十六年二十二年二十七

年三次

南巡於

明太祖陵或

聖駕親詣致祭或

親詣奠酒仍

遣官致祭或

遣官致祭照

歷代帝王之例

親詣行禮此次

南巡應照何年舉行之處謹開清單恭候

欽定至

夏禹王陵查乾隆十六年

親詣致祭一次二十二年二十七年俱

遣官讀文致祭其

元聖周公

先師孔子及

嶽鎮海瀆河神等九處前次

南巡俱

遣官讀文致祭此次

南巡所有

夏禹王陵及以上九處應請照上次舉行又先賢勲臣

名臣等祠墓三十二處查乾隆十六年二十二年
俱

遣官讀文致祭二十七年

遣官拈香奠酒此次

南巡應請照上次舉行所有應祭各處謹列清單一併

恭

呈

御覽臣部行文各該督撫飭令地方官備辦祭品香帛

并行文翰林院將致祭

夏禹陵諸處撰擬祭文奏入得

旨照二十七年舉行梁詩正亦宜添入

乾隆三十年二月初二日禮部奏言恭查乾隆二

十七年

聖駕南巡往返渡河渡江

皇上親詣彩棚拈香惟渡淮

起鑾時

皇上親詣武家墩拈香

回鑾時

皇上親詣惠濟祠拈香此次

皇上往返渡河渡淮渡江或照上次

親詣拈香或遣官拈香之處伏候

聖訓奏入得

旨朕親詣拈香

乾隆三十年二月初八日禮部奏言先經

臣

部具

奏江南省

河瀆之神

淮瀆之神遣官讀文致祭

本朝河臣靳輔齊蘇勒嵇曾筠高斌等四人合祠遣
官拈香謹將扈從文武大臣職名繕寫名籤進

呈恭候

欽點一員承祭一員拈香奏入得

旨遣五福全奎

乾隆三十年二月十七日禮部奏言先經臣部具
奏遣官讀文致祭

江瀆之神江南省丹徒縣

本朝大學士臣張玉書祠宋臣宗澤祠陽湖縣周吳
季札祠武進縣

本朝尚書臣趙申喬祠巡撫臣潘思榘祠遣官拈香
謹將扈從文武大臣職名繕寫名籤進

呈恭候

欽點一員致祭

江瀆之神

欽點二員各祠拈香奏入得

旨致祭江瀆之神遣五福各祠拈香遣張若澄孫灝

乾隆三十年二月二十三日行在禮部奏言恭查

乾隆二十七年

聖駕南巡欽奉

特旨大學士陳元龍陳世倌蔣溥等墓俱遣官奠酒今

大學士史貽直墓請照上次之例謹將扈從文武
大臣職名繕寫名單恭

呈

御覽伏候

欽點一員前往致奠奏入得

旨遣蔣櫟

乾隆三十年二月二十六日禮部奏言先經

臣部

具奏江南省長洲縣言子游祠宋臣韓世忠祠范

仲淹祠

本朝撫臣湯斌祠張伯行祠河臣陳鵬年祠吳縣周
泰伯祠常熟縣

本朝大學士臣蔣溥墓等八處遣官拈香奠酒謹將
扈從文武大臣職名繕寫名籤恭候

欽點三員各處祠墓拈香奠酒奏入得

旨遣富德張若澄溫福

乾隆三十年閏二月初一日行在禮部奏言先經

臣部具奏紹興府

禹陵

南鎮會稽山神遣官讀文致祭秀水縣唐臣陸贄祠

錢塘縣

江潮神

海潮神唐臣錢鏐祠宋臣岳飛明臣于謙祠墓

本朝尚書臣徐潮墓大學士臣徐本梁詩正墓九處
遣官拈香奠酒謹將扈從文武大臣職名繕寫名

籤恭候

欽點一員致祭二員拈香奏入得

旨致祭遣雙慶拈香遣張若澄孫灝

乾隆三十年閏二月初二日行在禮部奏言先經

臣部具奏浙江省

海神祠遣官讀文致祭唐臣張巡許遠祠

本朝大學士臣陳元龍墓陳世倌墓遣官拈香奠酒

謹將扈從文武大臣職名繕寫名籤進

呈恭候

欽點一員前往致祭拈香奏入得

旨遣范時紀

乾隆三十年閏二月二十六日禮部奏言先經臣

部具奏江寧府

明太祖陵遣官讀文致祭江寧縣晉臣卞壺祠宋臣曹

彬祠明臣徐達墓常遇春墓李文忠墓方孝孺等

一百十八人合祠

本朝督臣于成龍祠傳臘塔祠等八處遣官拈香奠酒謹將扈從文武大臣職名繕寫名籤恭候

欽點一員致祭

明太祖陵

欽點二員各處拈香奠酒奏入得

旨遣簡親王致祭遣溫福范時紀拈香奠酒

乾隆三十年三月十四日禮部奏言先經

臣部奏

准此次

聖駕南巡恭照乾隆二十七年之例

先師孔子闕里諸處請遣官讀文致祭

御路所經三十里以內

江海神廟先賢名臣勲臣祠墓各等處請遣官拈香
致祭奠酒今

聖駕回鑾由水路至德州

臣

部行文山東巡撫將

御舟經過三十里以內所有應行致祭等處詳查報部

以憑議奏茲據山東巡撫崔應階報稱濟寧州有

先賢仲子祠任子祠汶上縣分水口有

禹王廟

龍神廟明臣宋禮祠俱係瀕臨運河附近

御路應否致祭查汶上縣分水口

禹王廟

龍神廟瀕臨運河應請遣官拈香再查宋禮係明代

尚書治河濟運著有功績雍正四年

欽定封號為寧漕公春秋致祭其祠亦在汶上縣分水

口瀕臨運河與例相符又先賢仲子由任子不齊
俱從祀

孔廟列入祀典其祠在濟寧州

御舟所經三十里以內亦與例相符應請一體遣官拈
香以先祀典奏入報

可

乾隆三十年三月二十四日行在禮部奏言先經

臣部具奏徐州府銅山縣

河神廟遣官讀文致祭山東省汶上縣分水口

禹王廟

龍神廟明臣宋禮祠濟寧州先賢仲子由祠任子不
齊祠等五處遣官拈香謹將扈從文武大臣職名
繕寫名籤進

呈恭候

欽點一員致祭徐州府銅山縣

河神廟派一員前往

禹王廟等五處拈香奏入得

旨致祭徐州府銅山縣河神廟遣五福山東汶上縣分水口禹王廟五處拈香遣范時綬

乾隆三十年三月三十日河道總督李宏奏言竊查白英老人建築戴村壩遏汶水出南旺利濟漕運功垂不朽前明萬歷年間曾賜建祠戴村春秋祭祀並蔭其子孫一人給以八品冠帶奉祀香火載在誌乘嗣於雍正四年蒙

世宗憲皇帝勅封白英為永濟之神其子孫承襲八品之

處我

朝定鼎以來未經奉有

諭旨而父子相承仍循前明舊例

臣

等伏思

國家崇德報功給以世職例應出自

皇恩今永濟神白英導汶濟運一時奏分水之功萬世
獲通漕之利合無仰懇

聖恩俯念永濟神白英生前未得一命之榮仍准其子

孫一人承襲八品頂帶奉祀香火如蒙

俞允臣等確查永濟神白英嫡派子孫另行取結咨部

承襲以崇祀典奏入得

旨允行

欽定南巡盛典卷六十七

欽定四庫全書

欽定南巡盛典卷六十八

祀典

乾隆四十四年十月初八日禮部奏言乾隆四十五年正月恭逢

皇上聖駕南巡臣等伏查三十年

聖駕南巡臣部具奏沿途秩祀事宜奉

旨照二十七年舉行嗣經奏准

禹陵

元聖周公

先師孔子闕里

東嶽岱宗

河瀆

淮瀆

江瀆

河神廟

海神廟

南鎮會稽山均經

遣官讀文致祭

明太祖陵

親詣奠酒仍

遣官讀文致祭至往返渡江渡淮渡河時或

親詣拈香或遣官之處臨時請

旨此次

聖駕南巡所有山東境內

元聖周公

先師孔子闕里

東嶽岱宗江南境內

河瀆

淮瀆

江瀆

河神廟

明太祖陵浙江境內

禹陵

南鎮會稽山

海神廟共十一處應請照三十年之例遣官致祭現在

御路所經順黃壩之

河神廟係乾隆四十二年奉

旨建立自應一體遣官致祭至渡江渡淮渡河時或

親詣拈香或遣官拈香之處屆期臣部具奏請

旨所有應用祭文交翰林院撰擬香帛由太常寺帶往

祭品交地方官備辦各處遣官屆期臣等將扈從

之王大臣繕寫名簽奏請

欽派再

御路經由三十里內之

先賢先儒名臣勲臣祠墓因恐近年間有增易之處

臣部行文咨查各該督撫俟查覆到日臣部比照

前次遣官致奠各處所恭繕清單奏請

欽定奏入報

聞

乾隆四十四年十二月初三日禮部奏言恭照明
春

皇上南巡前經臣等奏准遣官致祭

嶽鎮海瀆等處并聲明

御路所經三十里內應行致奠各祠墓俟各該督撫查

覆到日再行具奏茲據江南河道總督李奉翰咨
稱寶應縣境之

湖神廟係乾隆三十年二月內奉

旨勅建又清河縣境李家莊之新鹽河閘

大王廟係乾隆四十三年奉

旨勅建均在

御路三十里以內查順黃壩之

河神廟已經臣部奏准遣官讀文致祭今據咨稱寶

應縣境之

湖神廟李家莊之

大王廟亦在三十里以內似應一體遣官讀文致祭
所有應用祭文由翰林院撰擬香帛祭品交地方
官敬謹預備奏入報

聞

乾隆四十四年十二月二十五日禮部奏言恭照
明春

聖駕南巡所有應行遣官讀文致祭之

嶽瀆及

歷代帝王陵寢

闕里等處業經

臣

部奏明至應請遣官拈香奠酒之先

賢先儒名臣各祠墓聲明俟各該督撫查覆到日

另行具奏今據直隸等省各督撫冊報

御路三十里內先賢先儒等祠墓祠墓三十七處查與

上次奏請遣官拈香奠酒各處所均屬相符理合

開列清單恭呈

御覽至冊報山東汶上縣

禹王廟

龍神廟浙江仁和縣

海潮神廟錢塘縣

江潮神廟等四處查上次奏請遣官拈香此次應請

一併遣官拈香恭候

命下臣部行文各該督撫照例敬謹預脩屆期臣部將

扈從大臣等繕寫名簽奏請

欽派再兩江總督薩載咨報大學士劉綸祠離

御路二里明臣史可法祠墓離天寧寺

行宮半里查原任大學士劉綸係奉

旨入祀賢良祠明臣史可法於乾隆四十年

賜謚忠正此二處祠墓應否遣官拈香奠酒之處伏候

諭旨遵行奏入報

可

乾隆四十五年正月十四日行在禮部奏言前經
臣部具奏直隸河間縣先儒毛萇祠遣官拈香謹
將扈從大臣職名繕寫名簽恭候

欽派一員前往拈香奏入得

旨遣蔣賜祭

乾隆四十五年正月二十日行在禮部奏言前經
臣部具奏山東省

先師孔子闕里

元聖周公

東嶽岱宗遣官讀文致祭謹將扈從大臣職名繕寫
名簽恭候

欽派二員前往承祭奏入得

旨遣嵇璜達椿

乾隆四十五年正月二十八日行在禮部奏言恭

照前次

聖駕南巡往返渡江渡河渡淮俱蒙

親詣綠棚拈香此次

聖駕南巡往返渡河渡江渡淮或照上次

親詣拈香或遣官拈香之處伏候

諭旨奏入得

旨朕親詣拈香

乾隆四十五年正月二十九日行在禮部奏言前

經臣部奏准江南省

河瀆之神

淮瀆之神又順黃壩新建之

河神廟楊莊之

大王廟應遣官讀文致祭並河臣靳輔齊蘇勒穆魯
鈞高斌四人合祠請遣官拈香謹將扈從大臣職

名繕寫名簽恭候

欽派二員前往讀文致祭

欽派一員前往拈香奏入得

旨遣達椿德明嵩貴

謹按奏內楊莊 大王廟一處經上年禮部原奏
以李家莊新鹽河閘 大王廟係乾隆四十三年
奉

旨勅建議准遣官讀文致祭嗣因

巡蹕由楊莊經過故此奏改請楊莊致祭云

乾隆四十五年二月初八日行在禮部奏言

皇上親詣

河瀆拈香儀注是日

皇上具行服乘輿至綵棚降輿處降輿臣達椿臣德明

恭導

皇上入綵棚至香案前立司香官恭捧香盒跪進

皇上三上辦香鋪拜褥官鋪拜褥

皇上陞拜褥不贊行二跪六叩禮禮畢臣等恭導

皇上出綵棚至降輿處陞輿奏入報

聞

乾隆四十五年二月初九日行在禮部奏言前經

臣部奏准江南省寶應縣新建之

湖神廟遣官讀文致祭謹將扈從大臣職名繕寫名
簽恭候

欽派一員奏入得

旨遣蔣賜祭

乾隆四十五年二月十四日行在禮部奏言

皇上親詣

江瀆拈香儀注是日

皇上具行服乘輿至綵棚降輿處降輿臣達椿臣德明

恭導

皇上入綵棚至香案前立司香官恭捧香盒跪進

皇上三上辦香鋪拜褥官鋪拜褥

皇上陞拜褥不贊行二跪六叩禮禮畢臣等恭導

皇上出綵棚至降輿處陞輿奏入報

聞

同日行在禮部奏言前經臣部奏准江南省

江瀆之神遣官讀文致祭並甘泉縣明臣史可法墓
丹徒縣

本朝大學士臣張玉書祠宋臣宗澤祠陽湖縣

本朝大學士臣劉綸墓吳季札祠武進縣

本朝尚書臣趙申喬祠巡撫臣潘思榘祠遣官拈香

奠酒謹將扈從大臣職名繕寫名簽恭候

欽派一員讀文致祭

江瀆之神

欽派二員各祠墓拈香奠酒奏入得

旨致祭江瀆之神遣嵇璜各祠墓拈香奠酒遣王昶倪

承寬

乾隆四十五年二月十六日行在禮部奏言前經

臣部奏准江南省溧陽縣大學士史貽直墓遣官
奠酒謹將扈從大臣職名繕寫名簽恭候

欽派一員奏入得

旨遣蔣賜祭

乾隆四十五年二月二十三日行在禮部奏言前
經臣部奏准江南省長洲縣言子游祠宋臣韓世
忠祠吳縣周泰伯祠宋臣范仲淹祠

本朝巡撫臣湯斌祠張伯行祠河臣陳鵬年祠常
縣

本朝大學士臣蔣溥墓等八處遣官拈香奠酒謹將
扈從大臣職名繕寫名簽恭候

欽派三員奏入得

旨遣嵩貴王和倪承寬

乾隆四十五年二月二十八日行在禮部奏言前

經臣部奏准准江省海寧州

海神廟遣官讀文致祭唐臣張巡許遠合祠海鹽縣
本朝大學士臣陳元龍墓陳世倌墓等三處遣官拈
香奠酒謹將隨往海寧大臣職名繕寫名簽恭候
欽派一員奏入得

旨海神廟遣德保餘遣阿玉璽

同日行在禮部奏言前經臣部奏准浙江省會稽縣

南鎮會稽山神

夏禹王陵等二處遣官讀文致祭秀水縣唐臣陸贄祠
仁和縣

海潮神廟錢塘縣

江潮神廟唐臣錢鏐祠宋臣岳飛墓明臣于謙祠

本朝尚書臣徐潮墓大學士臣徐本墓梁詩正墓等

九處遣官拈香奠酒謹將扈從大臣職名繕寫名
簽恭候

欽點一員讀文致祭

欽點二員拈香奠酒奏入得

旨南鎮會稽山神夏禹王陵海潮神廟江潮神廟遣德
明其餘遣王昶倪承寬

乾隆四十五年三月十八日行在禮部奏言江寧
府

明太祖陵遣官讀文致祭江寧縣

本朝總督臣于成龍祠傳臘塔祠上元縣晉臣卞壺
祠宋臣曹彬祠明臣徐達墓常遇春墓李文忠墓
方孝孺等一百十八人合祠遣官拈香奠酒經臣
部奏准謹將扈從王大臣繕寫名簽恭候

欽派一員讀文致祭

欽派二員各祠墓拈香奠酒奏入得

旨讀文致祭遣睿親王淳穎拈香奠酒遣蔣賜嘏嵩貴

乾隆四十五年三月二十四日行在禮部奏言

皇上親詣

明太祖陵行禮儀注是日

皇上御行服乘輿由大門進至二門外甬道前鋪棕毯
處降輿扈從之大臣侍衛等在大門外下馬隨行
禮之三品以上文武大臣官員往大門外東旁排
立

聖駕至時鴻臚寺官引三品以上大臣官員隨入至二

門內按翼排立武備院官預鋪拜褥臣達椿臣德
明恭導

皇上由正中進享殿陞拜褥不贊行二跪六叩禮衆俱
隨行禮禮畢鴻臚寺官預引大臣官員出至大門
外東旁排立臣等恭導

皇上由原進門出至降輿處陞輿奏入報
聞

乾隆四十五年四月初六日行在禮部奏言

皇上親詣

淮瀆

河瀆拈香儀注是日

皇上具行服乘輿至降輿處降輿臣達椿臣德明恭導
皇上至香案前立司香官恭捧香盒跪進

皇上三上辦香鋪拜褥官鋪拜褥

皇上陞拜褥不贊行二跪六叩禮畢臣等恭導

皇上至降輿處陞輿奏入報

聞

乾隆四十五年四月十四日行在禮部奏言前經
臣部奏准山東省汶上縣分水口

禹王廟

龍神廟明臣宋禮祠濟寧州

先賢仲子由祠任子不齊祠五處遣官拈香謹將扈
從大臣職名繕寫名簽恭候

欽派二員奏入得

旨遣德明吳玉綸

乾隆四十八年十二月初四日禮部奏言恭照乾隆四十一年

皇上展謁

孔林欽奉

諭旨

少昊金天氏陵

元聖周公廟

東嶽岱宗廟

遣官致祭仍

親詣拈香又乾隆四十五年

聖駕南巡往返渡河渡淮渡江除遣官致祭外俱蒙

皇上親詣綵棚拈香再江寧府

明太祖陵

遣官致祭仍

親詣行禮明歲正月十一日恭遇

聖駕啟鑾展謁

孔林巡幸江浙所有闕里

文廟及上屆拈香行禮各處所是否仍照前次俱行

親詣之處伏候

諭旨遵行奏入得

旨闕里

文廟親詣致祭

少昊金天氏陵

孔林及

明太祖陵親詣奠酒餘均遣官致祭

同日禮部奏言恭照明春

聖駕啟鑾展謁

孔林巡幸江浙

蹕路經由三十里以內嶽瀆祠廟及前代帝王陵寢臣

等謹照上屆奏准讀文致祭各處所開列清單恭

呈

御覽查江南丹徒縣

金山尊神廟乾隆四十七年欽奉

特旨崇昭秩祀此次

踴路經由應請一並遣官讀文致祭交翰應用祭文交

翰林院撰擬香帛祭品交地方官照例備辦各處

遣官屆期臣部將扈從之王大臣繕寫名簽奏請

欽派奏入報

聞

同日禮部奏言

聖駕啟鑾展謁

孔林巡幸江浙所有

蹕路經由三十里以內各先賢先儒名臣祠墓共四十

七處臣等謹照上次奏准拈香奠酒各處所分晰

開單恭呈

御覽屆期臣部將扈從大臣職名繕寫名簽奏請

欽派至此外有無增添之處行文各該督撫俟查覆到

日隨時奏

聞奏入報

可

乾隆四十九年正月二十四日行在禮部奏言前
經臣部奏准河間縣先儒毛萇祠遣官拈香謹將
扈從大臣職名繕寫名簽恭候

欽派一員奏入得

旨遣尹壯圖

乾隆四十九年二月初十日行在禮部奏言恭查
曲阜縣

啟聖林請遣官奠酒曲阜縣

顏子祠嘉祥縣

曾子祠鄒縣

子思子祠

孟子祠請遣官拈香謹將扈從大臣職名繕寫名簽
恭候

欽派三員前往奠酒拈香奏入得

旨遣蔣賜嘏尹壯圖杜玉林

乾隆四十九年二月十八日行在禮部奏言

皇上親詣

淮瀆

河瀆拈香儀注是日

皇上具行服乘輿至降輿處降輿臣達椿臣德明恭導

皇上至香案前立司香官恭捧香盒跪進

皇上三上辦香鋪拜褥官鋪拜褥

皇上升拜褥不贊行二跪六叩禮禮畢臣等恭導

皇上至降輿處升輿奏入報

聞

乾隆四十九年二月十九日行在禮部奏言前經

臣部奏准江南境內

河瀆之神

淮瀆之神又順黃壩

河神廟楊莊

大王廟寶應縣

湖神廟請遣官讀文致祭並河臣靳輔齊蘇勒松曾
筠高斌四人合祠請遣官拈香謹將扈從大臣職
名繕寫名簽恭候

欽派四員分路前往奏入得

旨江南境內河瀆淮瀆之神並順黃壩河神廟楊莊大
王廟寶應縣湖神廟五處遣十一阿哥十五阿哥十

七阿哥睿親王莊親王分往致祭河臣靳輔齊蘇勒
嵇曾筠高斌祠遣瑪興阿拈香

乾隆四十九年二月二十三日禮部奏言

皇上親詣

江瀆拈香儀注是日

皇上具行服乘輿至綠棚降輿處降輿臣達椿臣德明
恭導

皇上入綠棚至香案前立司香官恭捧香盒跪進

皇上三上辦香鋪拜褥官鋪拜褥

皇上升拜褥不贊行二跪六叩禮禮畢臣等恭導

皇上出綠棚至降輿處升輿奏入報

聞

乾隆四十九年二月二十四日行在禮部奏言前

經臣部具奏江南省

江瀆之神

金山尊神祠遣官讀文致祭謹將扈從大臣職名繕

寫名簽恭候

欽派二員前往致祭奏入得

旨遣十一阿哥十五阿哥

乾隆四十九年二月二十五日行在禮部奏言前
經臣部奏准江南省甘泉縣明臣史可法墓丹徒
縣

本朝大學士臣張玉書祠宋臣宗澤祠武進縣

本朝大學士劉綸祠陽湖縣

本朝尚書臣趙申喬祠巡撫臣潘思榘祠周吳李札
祠溧陽縣

本朝大學士臣史貽直墓請遣官奠酒拈香謹將扈
從大臣職名繕寫名簽恭候

欽派五員前往奠酒拈香奏入得

旨遣尹壯圖蔣賜棨瑪興阿杜玉林德瑛

乾隆四十九年三月初六日行在禮部奏言前經
臣部奏准江南省長洲縣言子游祠宋臣韓世忠

祠吳縣周恭伯祠宋臣范仲淹祠

本朝撫臣湯斌祠張伯行祠河臣陳鵬年祠常熟縣
本朝大學士臣蔣溥墓等八處請遣官拈香奠酒謹
將扈從大臣職名繕寫名簽恭候

欽派三員前往拈香奠酒奏入得

旨遣達椿德明瑪興阿

乾隆四十九年三月十一日行在禮部奏言前經

臣部奏准浙江省會稽縣

夏禹王陵

南鎮會稽山神遣官讀文致祭嘉興縣

本朝尚書臣錢陳羣祠秀水縣唐臣陸贄祠仁和縣
老鹽倉

海潮神廟錢塘縣

江湖神廟唐臣錢鏐祠宋臣岳飛墓明臣于謙祠

本朝尚書臣徐潮墓大學士臣徐本墓梁詩正墓十
處請遣官拈香奠酒謹將扈從大臣職名繕寫名

簽恭候

欽派四員分路前往奏入得

旨海潮神廟遣扎拉翰江潮神廟遣德明其餘遣朱珪
達椿

乾隆四十九年三月十二日行在禮部奏言前經
臣部奏准浙江省海寧州

海神廟遣官讀文致祭唐臣張巡許遠合祠海鹽縣
本朝大學士臣陳元龍墓陳世倌墓三處請遣官拈

香奠酒謹將隨往海寧大臣職名繕寫名簽恭候
欽派二員前往奏入得

旨遣塔琦德昌

乾隆四十九年閏三月初二日行在禮部奏言前
經臣部奏准江南省江寧府

明太祖陵請遣官讀文致祭上元縣晉臣卞壺祠宋臣
曹彬祠明臣方孝孺等一百十八人合祠明臣徐
達墓常遇春墓李文忠墓江寧縣

本朝督臣于成龍祠傳臘塔祠八處請遣官拈香奠
酒謹將扈從大臣職名繕寫名簽恭候

欽派四員分路前往奏入得

旨明太祖陵遣睿親王其餘遣尹壯圖朱珪蔣賜祭
乾隆四十九年閏三月初三日行在禮部奏言

皇上親詣

明太祖陵奠酒儀注是日

皇上御行服乘輿進東角門由饗殿東夾道至陵寢門

內降輿扈從之王大臣侍衛等在大門外下馬隨
行禮之三品以上文武大臣官員預往大門外東
旁排立

聖駕到時鴻臚寺官引三品以上大臣官員隨入至二
門內按翼排立內務府官預設臺蓋於陵前正中
武備院官預鋪拜褥臣達椿臣德明恭導

皇上升拜褥跪衆皆隨跪進酒盃大臣跪進酒盃

皇上三奠酒行三叩禮衆皆隨行禮禮畢鴻臚寺官預

引大臣官員出大門外在東旁排立臣達椿臣德
明恭導

皇上由原輿處升輿奏入報

聞

乾隆四十九年閏三月二十六日行在禮部奏言

前經臣部奏准徐州府銅山縣

河神廟請遣官拈香致祭謹將扈從大臣職名繕寫
名簽恭候

欽派一員前往致祭奏入得

旨遣睿親王

乾隆四十九年閏三月二十七日行在禮部奏言

皇上幸徐州往返渡黃

河瀆拈香儀注是日

皇上具行服乘輿至綠棚降輿處降輿臣建椿臣德明

恭導

皇上入綠棚至香案前立司香官恭捧香盒跪進

皇上三上辦香鋪拜褥官鋪拜褥

皇上升拜褥不贊行二跪六叩禮禮畢

臣等恭導

皇上出綵棚至降輿處升輿奏入報

聞

乾隆四十九年四月初一日行在禮部奏言山東

省汶上縣分水口

禹王廟

龍神廟明臣宋禮祠濟寧州先賢仲子由祠任子不

齊祠等五處請遣官拈香謹將扈從大臣職名繕
寫名簽恭候

欽派二員前往奏入得

旨

禹王廟

龍神廟遣睿親王其餘遣朱珪達椿

欽定南巡盛典卷六十八